

ÁKVÖRÐUN FRAMKVÆMDASTJÓRNARINNAR

frá 17. júní 1998

um sameiginlega tækniforskrift fyrir pakkastilla tengingu við ISDN í gegnum ISDN-frumtengingaraðgang(*)

(tilkynnt með númeri C(1998) 1610)

(98/518/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 98/13/EB frá 12. febrúar 1998 um endabúnað til fjarskipta og búnað fyrir gervihnattajarðstöðvar og gagnkvæma viðurkenningu á samræmi þeirra ⁽¹⁾,

og að teknu tilliti til eftirfarandi:

Framkvæmdastjórnin hefur samþykkt ákvæði um það fyrir hvaða gerð endabúnaðar sameiginleg tækniforskrift skuli gilda, svo og tilheyrandi yfirlýsingu um gildissvið.

Samþykkja ber samsvarandi samhæfða staðla, eða hluta þeirra, til framkvæmdar grunnkröfunum sem breyta á í sameiginlegar tækniforskriftir.

Til að tryggja órofinn aðgang að mörkuðum fyrir framleiðendur er nauðsynlegt að heimila bráðabirgðafyrirkomulag um búnað sem er viðurkenndur samkvæmt innlendum gerðarviðurkenningarreglugerðum.

Sameiginlega tækniforskriftin, sem samþykkt er í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um endabúnað sem er ætlaður til að tengja við almennt fjarskiptanet og fellur undir gildissvið samhæfða staðalsins sem um getur í 1. mgr. 2. gr.

2. Með þessari ákvörðun er mælt fyrir um sameiginlega tækniforskrift fyrir tæknilega eiginleika, rafræna og vélræna skilfleti og aðgangsaðferðarlýsingu, sem á að gilda fyrir endabúnað sem hægt er að tengja og, samkvæmt upplýsingum framleiðanda eða fulltrúa hans, er gert ráð

(*) Þessi EB-gerð, sem birtist í Stjtið. EB L 232, 19.8.1998, bls. 14, var nefnd í ákvörðun sameiginlegu EES-nefndarinnar nr. 107/1999 frá 24. september 1999 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

(1) Stjtið. EB L 74, 12. 3. 1998, bls. 1.

fyrir að tengist T-viðmiðunarpunkti, eða samliggjandi S- og T-viðmiðunarpunkti, fyrir frumtengingu við skilflöt að almennu fjarskiptaneti, nánar tiltekið samevrópskum ISDN (EURO-ISDN) frumtengingarpunkti og sem er ætlaður til þátttöku í upphringingum sem, þegar óskað er, nota pakkastilla grunnagnaflutningsþjónustu.

2. gr.

1. Sameiginlega tækniforskriftin tekur til samhæfða staðalsins sem hlutaðeigandi staðlastofnun hefur samið til framkvæmdar grunnkröfunum sem um getur í c- til f-lið 5. gr. tilskipunar 98/13/EB að því marki sem við á. Tilvisun í staðalinn er að finna í viðaukanum.

2. Endabúnaður, sem fellur undir þessa ákvörðun, skal vera í samræmi við sameiginlegu tækniforskriftina sem um getur í 1. mgr., uppfylla grunnkröfunar sem um getur í a- og b-lið 5. gr. tilskipunar 98/13/EB og uppfylla kröfur allra annarra gildandi tilskipana, einkum tilskipana ráðsins 73/23/EBE ⁽²⁾ og 89/336/EBE ⁽³⁾.

3. gr.

Tilkynntir aðilar, sem eru tilnefndir til að koma í framkvæmd málsmeðferðinni sem um getur í 10. gr. tilskipunar 98/13/EB, skulu, að því er varðar endabúnað sem 1. mgr. 1. gr. þessarar ákvörðunar gildir um, beita eða tryggja beitingu á samhæfða staðlinum, sem um getur í viðaukanum, eftir gildistöku þessarar ákvörðunar.

4. gr.

1. Innlendar gerðarviðurkenningarreglugerðir, sem taka til búnaðar innan gildissviðs samhæfða staðalsins sem um getur í viðaukanum, falli úr gildi þremur mánuðum eftir gildistöku þessarar ákvörðunar.

(2) Stjtið. EB L 77, 26. 3. 1973, bls. 29.

(3) Stjtið. EB L 139, 23. 5. 1989, bls. 19.

2. Halda má áfram að setja á innlendan markað og taka í notkun endabúnað sem hefur verið viðurkenndur samkvæmt slíkum innlendum gerðarviðurkenningarreglugerðum.

5. gr.

Ákvörðun þessari er beint til aðildarríkjanna.

Gjört í Brussel 17. júní 1998.

Fyrir hönd framkvæmdastjórnarinnar,

Martin BANGEMANN

framkvæmdastjóri.

*VIÐAUKI***Tilvísun í gildandi samhæfðan staðal**

Samhæfði staðallinn, sem vísað er til í 2. gr. ákvörðunarinnar, er:

Integrated Service Digital Network (ISDN);

Attachment requirements for packet mode terminal equipment to connect to an ISDN using ISDN primary rate access

(Stafræna samþætta þjónustunetið (ISDN):

Tengingarkröfur fyrir pakkastilltan endabúnað, sem tengist ISDN gegnum framtengingaraðgang)

ETSI

Fjarskiptastaðlastofnun Evrópu

Aðalskrifstofa ETSI

TBR 34 — desember 1997

(að undanskildum formála)

Viðbótarupplýsingar

Fjarskiptastaðlastofnun Evrópu er viðurkennd samkvæmt tilskipun ráðsins 83/189/EBE ⁽¹⁾.

Samhæfði staðallinn, sem vísað er til hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar 83/189/EBE.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu,
650, route des Lucioles,
F-06921 Sophia Antipolis Cedex

Framkvæmdastjórn Evrópubandalaganna,
DG XIII/A/2 — (BU 31, 1/7)
Rue de la Loi/Wetstraat 200
B-1049 Bruxelles/Brussel

eða einhverrar annarrar stofnunar sem annast afhendingu ETSI-staðla en skrá yfir þær stofnanir má finna á Netinu á slóðinni www.ispo.ccc.be.

⁽¹⁾ Stjtið. EB L 109, 26. 4. 1983, bls. 8.